

冀州志序

古者郡邑皆有史以紀其山川  
人物與其土風上以待採乎朝  
廷而下以傳示於後世使有所  
觀攷事誠要且重哉我  
國家治化翔洽文教覃敷

劉序

世宗憲皇帝詔各直省並修志乘

皇上御極太和之上理益臻清寧無  
事觀成四方唯郡邑之書錄其  
掌故而備述同風一道之盛以  
登夫太史尤賢有司事矣冀為  
州近在畿輔古稱名區視唐詩



號雄望者蓋加重焉余於辛亥  
冬署理直督後於辛酉春復任  
藩司深知異州土厚而水浚俗  
尚淳美樸者勤於耕作秀者服  
於詩書慨然歎夫

朝廷仁義之漸摩久而愈彰惜州志

劉序

闕略未能纂輯而余亦任事日  
淺有志未逮也乾隆丙寅歲山  
西范君來典是邦乃續而新之  
余常論守土之官欲葺志乘成  
為一書有三難焉蓋非政理既  
成從容簡靜則鞅掌簿書而不

暇為此一難也即其有暇可以  
從容從事而夙無風雅之好嗜  
焉則往々又不能為此二難也  
即好而為之然非躬親考訂其  
得失使歸於精核而可傳則未  
足以備史氏之採擇而為來者

劉序

三

所觀信此三難也今范君之牧  
是州也既以古循良之治々其  
民南陽東郡之謠方徧乎遠邇  
而能以其餘暇舉數十年缺而  
未脩者而奮焉成之其雅尚何  
如哉且志成而發凡舉例要而

能詳紀事類物悉而有體不  
不漫既核且研凡莫之山川人  
物方域土風與夫古今之沿革  
一展卷而燦具焉覺向之所為  
難者至於君而獨易非君之才  
有以大過乎人者其亦何能若

劉序

此哉余知君課績既家方當

璽書褒美被


九重優擢以為良吏之勸異日所至  
有績而墜曲缺文無不徧與若  
皆于是志焉而可卜之而今茲  
君以一日之權因書成來

樂得而為之序

乾隆丁卯八月朔日

經筵講官太子少保協辦大學士吏

部尚書劉於義撰



劉序

冀州志序



我

國家幅員無外方輿之  
廣超於前古

聖天子一道同風各直省

那序

哀輯通志上之史館

纂修一統志良盛典

也冀隸

畿輔所屬五邑屢有沿

草舊志尚多缺略如

州事范君莅任五載  
時旣屢豐修舉廢墜  
考求放失爰即舊志  
而修正之夫政貴因  
時典惟求舊牧民者

那序

苟竭其心思才力於  
簿書期會催科決訟  
之際期無失焉斯已  
知所急矣乃范君獨  
能於聽政之餘於

所治之山川原野民  
風物土建置典禮賦  
役疆界原泉水利詳  
為考訂端治化於官  
師驗登耗於戶口勵

那序

獎勸於忠孝廉節寓  
作興於人物選舉拾  
遺以紀事藝文以纂  
要政典以經邦文獻  
以垂久既急其所急

而不敢緩其所緩俾  
三物六行於是乎興  
斯實為政之大經大  
體於以潛移默運善  
俗宜民上贊同文之

那序



盛治予於此深有厚望矣  
是為序

乾隆十二年歲次丁  
卯十月上浣之吉

太子少傅兵部尚書

都察院右都御史總  
督直隸等處地方兼  
荆密雲等關隘提督  
軍務兼理糧餉世襲  
雲騎尉加一級紀錄  
十七次洪科那蘇圖  
序并題

那序



冀州志序

東漢郡國各以其書上於  
蘭臺所以備國史采擇也  
范君朗菴牧冀五載舉七  
十五年未脩之志合五邑  
以輯其成謂余謬膺史局  
書來乞序網羅舊聞采綴

冀州志

周序

近事刪繁補遺歸於簡要  
一切訂訛糾謬若髮櫛而  
苗耘之可謂志之善者矣  
維冀為古九州首冀分幽  
營禹貢合之周又分為幽  
并其地盡括大河東北若  
今日之冀州則自隋唐始

嘗謂志必先審定沿革而後人風物土不致鑿空傳會即如冀缺事載在信都相沿已久攷春秋曲沃并翼時不過一軍二軍國境尚隘至後滅翟滅鼓取鮮虞左人中人始能東距鉅

冀州志

周序

鹿中山豈有文公之初即能至信都哉且卻缺之冀其父芮已先有之不自文公始至晉假道於虞所云冀為不道者閻百詩据杜注即晉之冀亭又非卻氏食采地秦冀縣即今伏羲

縣距虞復千有餘里又隋平陽郡有異氏縣即今岳陽縣或以為缺耨處皆非今之異地也漢魏冀州所部甚廣或治高邑或鄴或房子今之異地則又在所兼治而非專治也五代宗

齊時國境日盛北方郡名多出僑置歷城渦口皆名曰冀唐或改治魏州遠則於口外置冀縣自古州縣之名未有如冀之易混者今志中考據詳確分十二門首自沿革沿革一定而

他門釐然俱定若網在綱  
有條不紊夫而後始識所  
謂今日一州五縣之翼也  
夫冀地當北朝五代之交  
兵革相尋殆無虛日今  
國朝深仁厚澤涵煦百年人物  
豐繁制度明備分符斯土

者遂得承流宣化黼黻太  
平以著此徵文考獻之鉅  
典也詎非厚幸者歟且其  
地近在京畿較昔之據為  
形勝者迥殊故其為志也  
亦必如周禮小史氏所掌  
而紀四方外史所可同類

而並觀以方東漢與汝南  
先賢陳留風俗亦何以異  
哉范君以軍功授州牧庶  
祁趙易皆著能聲直省饑  
嘗三度汎糴關東允遇皇  
華急務必首奉簡書部署  
中窾在異政簡刑清百廢  
具舉復以政務餘閒成此  
一州掌故可謂有古循吏  
風因不辭而為之序  
乾隆十二年歲次丁卯五  
月下浣日

賜進士出身

御試博學鴻詞朝議大夫

日講官 起居注翰林院侍講  
學士加二級會稽周長發  
拜序



重脩冀州志序

余作宰秦中十二年其始  
至也適著令脩省志當事  
欲以斯事相屬因得縱觀  
陝之郡縣志如康德涵之  
武功志何大復之雍大記

冀州志

朱序

一

久稱於世不待言矣他如  
汪來之北地志喬三石之  
耀州志王漢陂之鄆志韓  
五泉之朝邑志張光孝之  
華州志馬慥之同州志劉  
九經之郿志皆簡核精當